

ՆԱՆՍԵՆԸ ԵՎ ՀԱՅ ԳԱՂԹԱԿԱՆՈՒԹՅԱՆ ՀԱՐՑԸ
1925—1929 ԹՎԱԿԱՆՆԵՐԻՆ

Պատմ. գիտ. դոկտոր Մ. Վ. ԱՐՁՈՒՄԱՆՅԱՆ

Ֆրիտյոֆ Նանսենը, որը բացառիկ ներդաշնակությամբ զուգակցում էր մեծ դիտականի ու հումանիստ հասարակական գործչի լավագույն հատկանիշները, Եվրոպական Ռուսաստանի լավագույն բարեկամներից մեկն էր: Նա հումանիստական գործունեություն ծավալեց նաև հայ ժողովրդի համար, վիթխարի ջանքեր գործադրեց հայ գաղթականներին «Նանսենյան անձնագրերով» ապահովելու և ապա Եվրոպական Հայաստան տեղափոխելու գործին օգնելու ուղղությամբ:

Սփյուռքահայերի հայրենադարձությունը սկսվեց սովետական իշխանության հաստատումից անմիջապես հետո և այդ մասին կրկին ազդարարեց ՍՍՀՄ արտաքին գործերի ժողկոմ Գ. Ջիզերինը՝ լոգանի կոնֆերանսում: Լիովին պաշտպանելով այդ պետական քաղաքականությունը, Նանսենը՝ իր հանձնաժողովի հետ միասին, 1925 թ. հունիսին ժամանեց Հայաստան: Անվանապես նա գործում էր որպես Ազգերի լիգայի գլխավոր կոմիսար (գաղթականական գործերի գծով) և հանդես գալիս Աշխատանքի միջազգային բյուրոյի կողմից: Նանսենը Հայաստանում մնաց համարյա 3 շաբաթ, մոտիկից ծանոթացավ վերածնվող հայ ժողովրդի կյանքին, զննեց այն տեղանքը, ուր նախատեսվում էր նոր գաղթականներ բնակեցնել և ստացավ ՀՍՍՀ Ժողկոմիստի լիակատար աջակցությունը՝ իր մարդասիրական պլանների կենսագործման համար: Այնուհետև Նանսենը մեկնեց Մոսկվա, ուր հանգամանորեն խոսեց Հայաստանում կատարած աշխատանքի մասին և հայտնեց իր պատրաստակամությունը՝ բարոյապես ու նյութապես աջակցելու հայ գաղթականների հայրենադարձությանը: ՍՍՀՄ կառավարությունը գոհունակությամբ մոտեցավ այդ մարդասիրական գործին և իր կողմից հավաստի երաշխիքներ տվեց նրա իրականացման համար:

Քաջալերված սովետական կառավարության պաշտպանությամբ, Նանսենը վերադարձավ Արևմտյան Եվրոպա և լայն կամպանիա ծավալեց, պրոպագանդելով սովետական իշխանության նվաճումներն ու հայ ժողովրդի վերածնունդը և արտասահմանում գտնվող հայ գաղթականներին մայր հայրենիք վերադարձնելու անհրաժեշտությունը: Նա հանդիպումներ ունեցավ նաև հայ գործիչների հետ՝ պատմելով իր վառ տպավորությունները Եվրոպական Հայաստանի մասին: Այսպես, Հայկական բարեգործական ընդհանուր միության նախագահ Պողոս Նուբարին նա ասաց. «Ձեր ժողովուրդը, հազիվ դուրս գալով համաշխարհային պատմության մեջ շտեմնված աղետից, ծառեր է տնկում, ջրանցքներ ու էլեկտրակայաններ կառուցում: Ձեր ժողովուրդը՝ իր հազարամյա պատմությամբ ու մշակույթով, իր անօրինակ խիզախությամբ և անսովոր

և ունեցող ու աշխատասիրությամբ կվերակենդանանա և իր երկիրը կկառուցի»¹:

Նանսենը մեկնեց ժնև և 1925 թ. հուլիսի 28-ին Ազգերի լիգային ներկայացրեց հատուկ զեկուցագիր՝ հայ գաղթականների տեղավորման խնդրի վերաբերյալ: Այնտեղ խոսվում է նրա գլխավորած հանձնաժողովի կատարած աշխատանքի մասին և ընդգծվում, որ սովետական երկրում ամենուրեք ջերմությամբ են ընդունել նրան և ցուցաբերել լիակատար պատրաստակամություն՝ առաջադրված պլաններն իրագործելու համար: Նանսենը նշում է, որ «հայ ղեկավարները... շատ են ցանկանում, որ իրենց հայրենակիցները Հաստատվեն վերադառնան», և ինքն էլ գտնում է, որ «հայկական հանրապետությունը... պետք է դիտել որպես գոյություն ունեցող միակ օջախը, ուր ցրված հայերը կարող են հաստատվել»², որ Սովետական Հայաստանի «գոյությունը խաղաղ է ներսում և սահմանի վրա, ազգաբնակչությունը արդյունաբերող է և աշխատասեր, հողերն արգավանդ են, երկիրն ունի ջրային շատ ուժեր և հանքային հարստություններ: Բայց մյուս կողմից, երկիրը մեծ չափերով ավերվել է արշավանքներից, կոտորածներից... Ներկայումս երկիրն ավելի ազգաբնակչություն ունի, քան նրա այժմյան կացությունը նրան կարող է թույլատրել: Նա նեղվում է կասկածալի մեծ պակասից և մասնավորապես նրա բերրի հողերը չեն կարող բավարար չափով օգտագործվել առանց որոշ մասերի ոռոգման ու շորացման»³:

Նանսենը նշում է, որ չնայած այդ դժվարություններին, Սովետական Հայաստանը իր գոյության սկզբից ծավալել է տնտեսական ու կուլտուրական շինարարություն և ոչ միայն բարելավել շուրջ 400.000 գաղթականության վիճակը, այլև կաղմակերպել հայրենադարձություն, ընդունել ու տեղավորել 14000 տարադիրների: Այդ պրոցեսը շարունակվում է, բայց արտասահմանում գտնվող հայ գաղթականների թիվը շատ մեծ է, նրանց հայրենիք վերադառնալու ցանկությունը՝ անսահման և անհրաժեշտ է, որ հայերին բազմիցս խոստումներ տված արևմտյան տերությունները ևս աջակցեն այդ գործին՝ զոնե փոխառություններ տրամադրելու ձևով:

Նանսենը ցույց է տալիս, որ «հայ գաղթականների պրոբլեմը վերջնականապես լուծելու համար անհրաժեշտ կլինի ոռոգման և շորացման մեծ ծրագրեր իրագործել, ինչպես նաև զարգացնել Հայաստանի արդյունաբերական հնարավորությունները»⁴: Նա նշում է, որ հայկական կառավարությունը դրոժում է հենց այդ ուղղությամբ և իր հանձնաժողովին է ներկայացրել ոռոգման մի շարք նախագծեր, որոնք «բոլորն էլ իրագործելի են», բայց կոնկրետ անմիջական (առաջիկա 2—3 տարում) օպնության համար իրենք ընտրել են Երևանի արևելյան և արևմտյան Ղուերի, Սև ջրի և Զանգիբասարի հողերը՝ ընդամենը 33000 հեկտարին, ուր կարելի է տեղավորել 25000 մարդ, ընդ որում համաձայնություն է կայացվել առաջին հերթին բերել այն 15 հազար գաղթականներին (Հունաստանից ու Թուրքիայից), որոնք գտնվում են ծայրահեղ ծանր վիճակում: Այդ վայրերի անջրդի հողերը ոռոգելու և հասիճները շորաց-

¹ Лив Хансен-Хейер. Книга об отце, Л., 1971, т. 2 413:

² Հայկ. ՍՍՀ ՀՀՍՀ ՊԿԱ, ֆ. 113, ց. 3, գ. 374, թ. 66:

³ Նույն տեղում, թ. 69:

⁴ Նույն տեղում, թ. 70:

Նելու համար պահանջվում է 6 միլիոն ռուբլի, որին պետք է դումարել ևս 3 միլիոն ռուբլի՝ 15000 գաղթականներին տեղավորելու, նրանց համար տներ կառուցելու, դորժիքներ, անասուններ, սերմացու և այլն տրամադրելու համար:

Արտասահմանում միջոցներ հայթայթելու հիմնական ուղին դիտվում էր փոխառությունը. «Իմ կարծիքով,—գրել է Նանսենը,— անհրաժեշտ դումարը ձեռք բերելու լավագույն միջոցն է փոխառություն անել՝ հույն գաղթականների փոխառության նման պայմաններով», ընդ որում «հայ կառավարությունը տրամադրված է ընդունելու և երաշխավորելու 9 միլիոն ռուբլու այդ փոխառությունը, որ պիտի հատկացվի բացառապես վերև հիշված նպատակներին: Կառավարությունը ցանկանում է, որ տոկոսը որքան կարելի է չափավոր լինի և մոծելու ժամանակամիջոցը 10 տարուց պակաս չլինի, ավելի շուտ՝ լինի 15—20 տարի»⁵: Ասյա Նանսենը թվարկում է այն արտոնությունները, որոնք սովետական կառավարությունը կտա գաղթականներին (առանց մաքսի ու ձրի տեղափոխությունը, ձրի հող ստանալը և երեք տարի հարկերից ազատվելը, մեկ-երկու տարի զինվորական ծառայությունից ազատվելը և այլն): Մյուս կողմից Նանսենը ցույց է տալիս, որ հողերի յուրացումը արագությամբ կհատուցի ծախսերն ու փոխառությունը: Ըր զեկուցագրի վերջում, հիշեցնելով արևմտյան տերությունների հայանպաստ խոստումները, Նանսենը հույս է հայտնում, որ նրանք կպաշտպանեն իր «առաջարկները, որոնք նպատակ ունեն դեթ մասնավոր շափով իրականացնել նրանց կողմից արտահայտված ցանկությունը... Մնում է քննել, թե ինչ միջոցներով կարելի է ստանալ այս առաջարկների իրագործման համար անհրաժեշտ փոխառությունը»⁶:

1925 թ. սեպտեմբերի 10-ին Նանսենը ժնեում իր հանձնաժողովի առաջարկների մասին զեկուցում է Ազգերի լիգային կից Աշխատանքի միջազգային բյուրոյի գաղթականական բաժանմունքի խորհրդակցական կոմիտեում: Նշելով, որ Հայաստանում կատարվում են ոռոգման մեծ աշխատանքներ և հատկապես պետք է յուրացվի Սարգարապատի դաշտը, որի համար պահանջվում են մեծ ծախսեր, մինչդեռ հայ գաղթականների մի մասին պետք է շտապ տեղափոխել Հայաստան, նա ասաց, որ իր գլխավորած հանձնաժողովը վերցրել է ավելի մատչելի ծրագիր՝ 9 միլիոն ռուբլի (մոտ մեկ միլիոն ֆունտ ստեռլինգ) գումարով. «Այդ մեկ միլիոն ոսկին կարելի է փոխ տալ հայ կառավարության, որ ամեն երաշխավորություն կներկայացնե: Եթե Ազգերու ընկերությունը իր հովանավորության տակ առնե այս գործը, դյուրին է հրապարակի վրա գտնել այս գումարը: Ֆինանսական և ամեն տեսակետով առողջ գործ մըն է աս, և ամեն ապահովություն կներկայացնե բաժնետերերուն համար»⁷: Նիստի բոլոր մասնակիցները հավանություն տվին Նանսենյան նախագծին և խոստացան աջակցել դրա իրականացմանը:

Սեպտեմբերի 12-ին Նանսենի զեկուցումը լսվում է Ազգերի լիգայի պլենար նիստում: Նա հաղորդում է, որ իր գլխավորած հանձնաժողովի առաջին խնդիրն էր Կովկասում գտնել մի հարմար վայր, ուր կարող էին ապահով ապրել հայ փախստականները: «Մենք,— ասաց Նանսենը,— քննեցինք բո-

5 Նույն տեղում, թ. 72:

6 Նույն տեղում, թ. 77:

7 «Ապագա» (Փարիզ), 19. 9. 1925:

լոր հնարավորությունները և եկանք այն եղրակացության..., որ միակ վայրը, ուր այժմ Եվրոպայում թափառող զաղթականների մի մեծ մասը — շեշտում եմ մի մեծ մասը — կարող է տեղավորվել՝ դա Նրեանի հայ հանրապետությունն է», մանավանդ որ հայ զաղթականները «ցանկանում են գնալ Հայաստան և ոչ մի ուրիշ տեղ: Նրանք ցանկանում են գնալ և կառուցել իրենց ազգային հայրենիքը»⁸: Նանսենը միաժամանակ ընդգծում է Սովետական Հայաստանի կառավարության հոգատար վերաբերմունքը զաղթականության տեղափոխման նկատմամբ, նշելով, որ այնտեղ մեծ աշխատանքներ են սկսված «... ոռոգման և շորացման գործի համար, որը միջոցներ պիտի ընձեռի ոչ միայն այն զաղթականների համար, որոնք արդեն Հայաստանի հողի վրա էին, այլև այն մեծ մասի համար, որը դեռևս թափառում է աշխարհի երեսին»⁹: Նանսենը կոչ է անում աջակցել հայոց «օջախի» բարգավաճմանը. դա արդարամտության և ճշմարտացի պահանջի ակնկալություն էր, որ պատրանքային լինելով հանդերձ, խիղճ շարժելու միտում ուներ: Նանսենը շէր ուզում հուսախաբ լինել և ձգտում էր ամեն կերպ հասնել իր նպատակին: Նա և՛ պահանջում էր, և՛ խնդրում, դիմում բոլոր հնարավոր միջոցներին՝ միայն թե արդար գործը տեղից շարժվի: Այս կապակցությամբ Ֆրանսիայում սովետական դեսպանության առաջին քարտուղար Ս. Փիրումյանը (Փիրումովը) դեռ 1925 թ. սեպտեմբերի 27-ին՝ Փարիզից Անդրերկրմին և ՀՍՍՀ ժողկոմխորհին ուղարկած նամակում գրում էր. «Իր բոլոր ճառերում դ-ր Նանսենը մեծ գովասանքով էր խոսում Սովետական Հայաստանի կառավարության մասին, որպես լիակատար վստահության արժանի, ընդունակ և եռանդուն կառավարության, արտահայտում է իր զարմանքը նրա եռանդի ու գործնականության վրա»¹⁰: Նման վերաբերմունքը միայն ուժեղացնում էր արևմտյան տերությունների կառավարողների հակակրանքը իրենց իսկ նշանակած «բարձր կոմիսարի» նկատմամբ, իսկ նա հաստատ էր իր ընտրած ուղուն և վեր էր կանգնում իմպերիալիստների նենդ հաշիվներից:

Լսելով Նանսենի վեկուցումը, Ազգերի լիգայի պլենար նիստն ան ընդունեց սոսկ ի դիտություն և սեպտեմբերի 15-ին միաձայն որոշեց զլիսավոր կոմիսարի առաջարկությունը հանձնել հինգերորդ («հումանիստական») հանձնաժողովի քննությանը: Այստեղ էլ Նանսենը հանդես եկավ իր հանձնաժողովի նախագծի հիմնավորմամբ և մեծ պետությունների կողմից փոխառություն ստանալու առաջարկով, ընդ որում այս անգամ նա խնդրի էր դնում հայերին վերադարձնել այն 5 միլիոն ֆունտ ստեռլինգը (կամ գոնե զրա մի մասը), որը Բուրբոն գլխի էր նրանցից ու պահ տվել Բեռլինի բանկին (պատերազմից հետո այդ գումարը անցել էր դաշնակիցներին): Ի դեպ, նմանատիպ մի փաստի մասին Նանսենը խոսեց նաև Ազգերի լիգայի պլենար նիստում (1925 թ. սեպտեմբերի 12-ին). նա հիշեցրեց, որ արևմտյան տերությունները բռնադրավել են հայերի նաև այն ավանդները (դեպոզիտները), որոնք դրվել են եվրոպական բանկերը մինչև 1922 թ. ջարդերը Ջմյունիայում, և հայերը այժմ չեն կարողանում ետ ստանալ այդ գումարները: Դրա դեմ հայերը արդարացիորեն բողոքում են, և Նանսենը հույս է հայտնում, որ

⁸ Հայկ. ՍՍՀ ՀՀՍՀ ՊԿԱ, ֆ. 113, ց. 3, դ. 530, թ. 75:

⁹ Նույն տեղում, թ. 8:

¹⁰ Նույն տեղում, դ. 264, թ. 206:

դոնե դատարանով կամ մի այլ կերպ «իրավացի լուծվի այդ կարևոր հարցը»¹¹, Նանսենն այն կարծիքին էր, որ եթե այդ դումարները վերադարձվեին իրենց տերերին՝ հայ դաղթականներին, ապա նրանք կկարողանային տեղափոխվել Սովետական Հայաստան՝ առանց փոխառության կարիք գրավու։

Հինգերորդ հանձնաժողովի քննարկումն էլ հանգեցրեց այն բանին, որ որոշվեց առաջադրված հարցի մանրամասն ուսումնասիրումը հանձնարարել 9 հոգուց կազմված ենթահանձնաժողովին։ Այստեղ արդեն առավել հստակությամբ է երևում զանազան պետությունների վերաբերմունքը։ Այսպես, ենթահանձնաժողովի նախագահ, Անգլիայի պատվիրակ դքսուհի Աթթոլը նախ, վկայակոչելով Բոլդուինի ու Ասքլիթի 1924 թ. դիմումը Մակդոնալդին՝ հայկական փողերի մասին, «կժխտե իր պետին կողմեն ճանաչված հայկական իրավունքն այդ դումարի վրա, այն միամիտ պատճառով, թե պ. Պոլտոին այն ժամանակ, երբ բարձրացրեք է այդ հարցը, սոսկական անհատ էր»¹²։ Նրկորդ, նա ուղղակի «իր կառավարության անունից հայտարարեց, որ նա չի կարող փոխառություն տալ և ոչ էլ երաշխավորել այն որևէ սովետական հանրապետության համար»։ Դա ոչ թե լեզի Աթթոլի անձնական կարծիքն էր, այլ անգլիական կառավարության պաշտոնական տեսակետը, մի կառավարություն, որի ֆինանսների մինիստր Ուինստոն Չերչիլը Նանսենի նախագծի վերաբերյալ հեռագրել էր, թե «Մեծ Բրիտանիան չի կարող պաշտպանել այդ առաջարկությունը»։ Լիվ Նանսեն-Հոյերը, անդրադառնալով Չերչիլի այդ վարքագծին, գրել է. «Այդպիսով, նա սեպ խրեց ամբողջ գործի մեջ»¹³։ Ինքը՝ Նանսենը 1925 թ. սեպտեմբերի 20-ին շվեյցարական գործիչ Լ. Սուլցերին գրած նամակում նշում է, որ ժնևում «առավոտից մինչև երեկո պայքար է ու պայքար։ Ես այժմ պայքարում եմ հայերի համար փոխառություն ձեռք բերելու։ Հանդիպում եմ մեծ դիմագրության, հատկապես Անգլիայի կողմից»¹⁴։

Անգլիական կառավարության այս դիրքը կանխորոշեց նրա դաշնակիցների վերաբերմունքը։ Ֆրանսիայի ներկայացուցիչ Պամսն ասաց, որ իր կառավարությունը կարող է փոխառության երաշխիք տալ, եթե Անգլիան էլ երաշխավորի, իտալական պատվիրակը կրկնեց նույնը։ Թեև ենթահանձնաժողովի մնացած անդամները Նանսենյան նախագծին համակրանքով էին վերաբերվում, նրանց ձայները վճռական նշանակություն չունեին։ Այնուհասդերձ, Նանսենը լավատեսորեն էր տրամադրված հայ ժողովրդի ապագայի նկատմամբ։ Ժնևի լճի ափին դրուցելով հայ անվանի հասարակական գործիչ Արշակ Ոսկրաստյանի հետ, նա ասում էր. «Թվում է, արևմտյան տերությունների կառավարությունները... կմերժեն դաղթականներին օգնելը։ Ներքևից ճակատագիրը նրանց կպատժի։ Իսկ ձեր ժողովուրդը կվերածնվի և կնվաճի իր իսկական ազգային իրավունքները։ Չկասկածեք դրանում»¹⁵։

Արևմտյան տերությունները, ձախողելով Նանսենյան ծրագիրը, միաժամանակ տարածում էին ստաճող լուրեր, որպեսզի իրենց մեղքերը բարդեն ուրիշների վրա և հատկապես վարկաբեկեն սովետական իշխանությունը։ Նան-

¹¹ Նույն տեղում, գ. 530, թ. 6։

¹² «Երևան» (Փարիզ), 4. 10. 1925։

¹³ Лив Нансен-Хейер, Իշվ. աշխ., էջ 409։

¹⁴ Fridtjof Nansen, Brev, IV, Oslo, 1966, էջ 311—312։

¹⁵ Лив Нансен-Хейер, Իշվ. աշխ., էջ 410։

սենը, չեմոսրեն ընդունված սովետական ղեկավարների, այդ թվում Գ. Զի-
լերինի կողմից, դատապարտեց այդ թշնամական բանսարկությունները և շա-
րունակեց իր գործը: Նա Ալբեր Թոմայի, Դեբրուկերի (Բելգիայի ներկայա-
ցուցիչը) և Ազգերի լիգայի ֆինանսական քարտուղարության ղեկավար Ար-
թուր Սոլտերի հետ միասին Փարիզում մասնավոր տեսակցություն է ունե-
նում Ս. Փիրումյանի հետ, որպեսզի պարզի, թե «Հայաստանի կառավարու-
թյունը փոխառության ապահովման ինչ միջոցներ կարող է առաջարկել՝ առանց
անգլիական երաշխիքի փոխառությունը բավարար չափով իրացնելու համար»:
Ս. Փիրումյանը գրում է, որ իր գրուցակիցները հարց բարձրացրեցին, թե
արդյո՞ք Հայաստանի կառավարությունը չի համաձայնի երաշխիքներ տալու
մշտական պարտավորությունների ու գրավների ձևով, որին ինքը վճռակա-
նորեն բացասական պատասխան տվեց, գտնելով, որ դա «անհամատեղելի
է հանրապետության արժանապատվության հետ»: Այդ ժամանակ Ա. Թոման
և Ֆ. Նանսենը ասացին, որ այնուամենայնիվ պետք է գտնել մի այնպիսի
հարմար ձև, որն ապահովեր փոխառությունը և ընդունելի լիներ նաև անգ-
լիական կառավարության համար: Նրանք գտնում էին, որ այդպիսին կարող
է լինել մի ինքնավար (ավտոնոմ) մարմնի կազմակերպումը, որը մի կողմից՝
Հայաստանի կառավարության հետ կնքած պայմանագրով կստանձներ հո-
ղերի յուրացման ու գաղթականների տեղավորման գործը, իսկ մյուս կողմից՝
կկապվեր եվրոպական ֆինանսական շրջանների հետ փոխառություն ստա-
նալու համար. «Իմ գրուցակիցները, — գրել է Ս. Փիրումյանը, — ըստ երե-
վույթին, ենթադրում էին, որ այդ ավտոնոմ կազմակերպությունը կարող է
ստանալ այն երաշխիքը, որպիսին Անգլիան շահաձայնվեց տալ անմիջա-
պես Հայկական կառավարության փոխառությանը, այսինքն, ինչպես ասում
էր Նանսենը, դա կլիներ մարդասիրական բնույթի յուրահատուկ կոնցեսիա,
որը կքողարկեր Հայկական կառավարությանը տրվող փոխառությունը»¹⁶:
Նրանք խիստ մտահոգված էին տվյալ ղեկավար հարցի գոնե կոմպրոմիսային
մի լուծում գտնելու համար, որպեսզի ժամանակ չաճեին՝ սպասելով բարե-
նպաստ իրադրության, այլապես «անգլիական դիմադրությունը կարող էր բո-
լորովին խեղդել գործը»:

1925 թ. սեպտեմբերի 23-ին կայացավ ենթահանձնաժողովի վերջին նիս-
տը, որը որոշում ընդունեց վերահիշյալ առաջարկի ողով. նախատեսվեց, որ
Ազգերի լիգայի Խորհուրդը կնշանակի 5 կոմիսարներ, որոնք բանակցություն-
ների մեջ կմտնեն թե՛ հայկական կառավարության և թե՛ մյուս պետություն-
ների հետ, կմշակվի ավտոնոմ կազմակերպության ստատուտը, որը նրան
կոնցեսիա կնքելու և փոխառություն բաց թողնելու լիազորություններ կտա:

Դրանից հետո հարցը նորից տեղափոխվում է Ազգերի լիգայի հինգերորդ
հանձնաժողով, որի սեպտեմբերի 26-ի նիստում տեղի է ունենում մի նոր
մանրամասն քննարկում: Զեկուցում է Դեբրուկերը, որը հավանություն է տա-
լիս նանսենյան նախագծին և բազմակողմանիորեն հիմնավորում նրա իրա-
կանացման հնարավորությունն ու անհրաժեշտությունը: Նա հիշեցնում է
դաշնակիցների բազմաթիվ խոստումները հայերին և շեշտում, որ Սովետա-
կան Հայաստանին փոխառություն տրամադրելը ոչ միայն մարդասիրական
գործ է, այլև «պատվի խնդիր», ընդ որում այդ փոխառությունը լրիվ կերպը-

¹⁶ Հայկ. ՍՍՀ ՀՀՍՀ ՊԿԱ, ֆ. 113, ց. 3, գ. 264, թ. 206:

խավորվի ինչպես Հայաստանի կառավարության, այնպես էլ սովետական միութենական բանկի կողմից: Նա նշում է, որ Սովետական Հայաստանում արդեն կատարվել են հողերի յուրացման մեծ աշխատանքներ, որոնք տվել են իրենց լավագույն արդյունքները: Ուրեմն պետք է համարձակորեն առաջ տանել «նանսների կողմից այնքան հիանալիորեն սկսած գործը», իսկ եթե Ազգերի լիգան այդ գործի նկատմամբ մնա «անտարբեր ու թշնամի», ապա դա «լիզաժի համար կլինի սև օր»¹⁷:

Դարձյալ լավատեսությամբ էր համակված նանսների ճառը: Նա նշում է, որ բարի ցանկության դեպքում կարելի է առաջարկված «սխեման» կատարել և անոթեան հայ գաղթականներին տեղավորել իրենց փափագած հայրենիքում: «Երեւանի հանրապետությունը միակ հողամասն է,— ասում է նա,— ուր մենք կարող կլինենք ազգային օջախ կառուցել հայ ժողովրդի համար: Դա կլինի իսկական հայկական օջախ»: Անդրադառնալով կազմված նախագծին, նանսներ ասում է. «Ես հաստատապես համոզված եմ, որ այս սխեման զլուխ կգա և որ դա մեծ հաջողություն կլինի: Դա լինելու է, բայց անհրաժեշտ է, որ լիգան իր մեծ աջակցությունը հանդես բերի»¹⁸:

Հունաստանի պատվիրակ Պապան լիովին համամիտ էր զեկուցողին և իր կառավարության աջակցությունը խոստացավ հայ գաղթականների տեղափոխման գործին: Բարյացակամությամբ է խոսում Ավստրալիայի պատգամավոր տիկին Մակկինոնին, որը դրվատում է նանսների սկսած գործը և գրտնում, որ պետք է անսլայմանորեն օգնել «նավաբեկության ենթարկված ժողովրդի բեկորներին», նրանց փոխադրելով Սովետական Հայաստան:

Անգլիայի, Ֆրանսիայի ու Բուլղարիայի ներկայացուցիչները բավարարվում են ընդհանուր հայտարարություններ անելով և հայերի նկատմամբ կարեկցանքի խոսքեր ասելով, ընդ որում դքսուհի Աթթուր ասում է, որ զերադասելի է հայ գաղթականներին տեղավորել Հարավային Ամերիկայի երկրներում, ուր, նրա կարծիքով, Ազգերի լիգան պետք է իր գործակալները նշանակի: Արտառոց էր Հոլանդիայի պատվիրակ Ֆրանսուայի ելույթը. նա նշեց, որ թե՛ նանսների նախագիծը և թե՛ Դեբրուկերի ճառը «քաղաքական բնույթ ունեն, ուստի և պետք է քննարկվեն վեցերորդ՝ Քաղաքական հանձնաժողովում, որի պատճառով էլ Հոլանդիան ձեռնպահ է մնում քվեարկությունից»¹⁹:

Չնայած այդ ամենին, Հինգերորդ հանձնաժողովը բանաձև է ընդունում, որով ընդհանուր առմամբ հավանություն է տրվում նանսնյան առաջարկին և որոշվում է կազմել 5 հոգուց բաղկացած հանձնախումբ՝ նանսնյան նախագծի տեխնիկական կողմը նորից ուսումնասիրելու և փոխառության հարցով Սովետական Հայաստանի ու եվրոպական պետությունների կառավարությունների, ինչպես նաև մասնավոր ընկերությունների հետ բանակցելու համար: Ըստ էության դեռևս ոչինչ չխոստացող այդ որոշումն առաջ է բերում վտարանդի սպիտակգլարդիականների և սովետական երկրի այլ թշնամիների կատաղությունը: Օրինակ, կաղետ Աստրովր շանթ ու որոտ էր թափում և նշում, որ հանձնաժողովի բանաձևը հանդիսանում է «փոխառության միջազգային հանձնարարական Սովետներին»:

¹⁷ Նույն տեղում, գ. 530, թ. 45:

¹⁸ Նույն տեղում, թ. 46, 48:

¹⁹ Նույն տեղում, թ. 55:

Ս. Փիրումյանը, ամփոփելով հայ զաղթականության հարցի շուրջ ծավալված երկարատև քննարկումները, արդարացիորեն գրել է. «Բոլոր խորհրդակցությունները, վիճաբանություններն ու ձառերը՝ կապված այդ հարցի հետ, օբյեկտիվորեն մեծ դեր խաղացին Սովետական հանրապետությունների կյանքի բոլոր բնագավառներում կայունության, կազմակերպվածության ու վիթխարի նվաճումների, ինչպես նաև մեր ազգային ծրագրի դրական պրոպագանդման գործում»:

Ի հակադրություն թշնամական ամբաստանությունների, նանսներ հետևողականորեն շարունակում էր իր գիծը, ընդ որում սերտ կապեր հաստատելով սովետական ներկայացուցչության հետ:

Նա կատարում է ամեն ինչ, որպեսզի ձեռնարկվելիք միջոցառումները համաձայնեցվեն սովետական կառավարության հետ: Մասնավորապես նա, Ժնևից նորվեգիա վերադառնալիս, Բեռլինում հանդիպում է ՍՍՀՄ արտաքին գործերի ժողովոմ Գ. Զիչերինին և հաղորդում, որ Ազգերի լիգայի Խորհուրդն ու Ընդհանուր ժողովը միաձայն հավանություն են տվել Հայաստանին փոխառություն տալու իր առաջարկին: Նախատեսվում է, որ ոռոգման աշխատանքները կկատարի կա՛մ հայկական կառավարությունը և կա՛մ դա կտրամադրվի կոնցեսիայով. «Իրեն՝ նանսներն երկրորդը դուր չի գալիս», — գրել է Գ. Զիչերինը 1925 թ. հոկտեմբերի 2-ին Բեռլինից ՍՍՀՄ ժողովոմսովետին և Արտաքին գործերի ժողովոմատին ուղարկած նամակում: Այդտեղ էլ նշվում է, որ փոխառություն ստանալու համար «անհրաժեշտ է տերությունների երաշխիք: Ֆրանսիան համաձայն է, բայց ոչ առանց Անգլիայի, իսկ Անգլիան այժմ մերժում է, բայց կարող է դեռ վերամտածել: Առանց այդպիսի երաշխիքի փոխառությունը շատ թանկ կնստի, բանկիրներն այնպես կքերթեն, որ ոչինչ անել հնարավոր չի լինի»²⁰: Նանսներ խնդրում է, որ Մոսկվան և Երևանն արագությամբ պատրաստեն իրենց կոնկրետ պլանները, որովհետև հավանաբար հոկտեմբերի 19-ին Փարիզում կհրավիրվի նախապատրաստական կոմիտեի (5 հոգուց կազմված հանձնաժողովի) առաջին նիստը, իսկ դեկտեմբերին նյութերը պետք է ներկայացվեն Ազգերի լիգայի Խորհրդին:

Ստանալով Գ. Զիչերինի նամակը, նրա տեղակալ Մ. Լիտվինովը հոկտեմբերի 3-ին նամակ է գրում Հայաստանի Կ(Բ)Կ Կենտկոմին ու ժողովոմսովետին, որպեսզի նանսների համար որքան կարելի է արագ պատրաստեն համապատասխան նյութեր՝ զաղթականների վերաբնակեցման և ոռոգման աշխատանքների վերաբերյալ²¹: Հայաստանի կառավարությունը նախապատրաստում է անհրաժեշտ նյութերը և Անդրերկրի հավանությամբ իր ներկայացուցիչ նշանակում Ս. Փիրումյանին, որի մասին ժողովոմսովետի նախագահ Ս. Համբարձումյանը հեռադրում է նանսներին²²: Միաժամանակ Անդրերկրի նախագահ Գ. Կ. Երջոնիկիձեն հեռադրում է Փարիզ՝ Ս. Փիրումյանին, որպեսզի նա Հայաստանի ժողովոմսովետի անունից պաշտոնապես բանակցություններ վարի նանսների կոմիտեի հետ, ընդ որում «մերժի կոնցեսիան, ընդունի փոխառությունը Հայաստանի կառավարությունը, եթե պայմանները բարենպաստ

20 Նույն տեղում, գ. 264, թ. 203:

21 Նույն տեղում, գ. 292, թ. 41:

22 Նույն տեղում, Խ. 47:

են, և փոխառության համար միտիթենական կառավարության պարտադիր թույլտվությամբ»²³:

Ստանալով անհրաժեշտ լիազորություններ, Ս. Փիրումյանն ավելի է ակտիվացնում իր գործունեությունը: 1925 թ. հոկտեմբերի 30-ին նրա մասնակցությամբ բացվում է Ազգերի լիգայի հատուկ հանձնաժողովի նիստը, որին ներկա էին նրա անդամներ Ֆ. Նանսենը, Ժ. Պամսը, Մ. Մակգոնալդը, Ս. Պետրելին, Կ. Բերկմանը, ինչպես նաև Ա. Թոման, Ա. Սոլտերին և ուրիշներ:

Նախագահող Պամսը ձառ է արտասանում, որի հիմնական նպատակն էր պարզել, թե փոխառության համար Հայաստանի կառավարությունը ինչ ունի երաշխիքներ կարող է տալ: Նա անձամբ այն կարծիքին էր, որ նախ՝ Հայաստանին տրամադրվելիք միջոցները պետք է գտնվեն հենց հանձնաժողովի կամ Ազգերի լիգայի որևէ այլ օրգանի ձեռքերում ու հսկողության տակ, և երկրորդ՝ Հայաստանում ոռոգման ենթակա հողը պետք է դառնա դրավ (կոնցեսիա), ինչպես նաև տրվեն ուրիշ հատուկ երաշխիքներ: Այնուհետև ձայնը տրվում է Ս. Փիրումյանին, որը հայտարարում է, թե Հայաստանի կառավարությունը Նանսենի նախագիծը դիտում է որպես մարդասիրական գործ և կարող է ընդունել միայն նորմալ փոխառություն, այն էլ արտոնյալ պայմաններով: Ինչ մնում է հողը դրավ դնելուն կամ կոնցեսիային, ապա դրանց մասին խոսք անգամ չի կարող լինել: Փիրումյանը շեշտում է, որ «Հայաստանի ու Միության ֆինանսական հզորության պատկերի առաջ ծիծաղելի է խոսել ինչ-որ երաշխիքների մասին»²⁴:

Հանձնաժողովն իր նիստերում լսեց նաև արտասահմանում գտնվող Հայկական բարեգործական ընկերությունների պատվիրակությանը, որը նորից պատրաստակամություն հայտնեց հնարավորին չափ օժանդակել հայ դադթականներին Հայաստան տեղափոխելու գործին²⁵:

1925 թ. նոյեմբերի 2-ին Ս. Փիրումյանը հանձնաժողովի աշխատանքների մասին զեկուցագիր է ուղարկում ՌԿ(Բ)Վ Անդերկոմին և Հայաստանի Ժողկոմխորհին: Այնտեղ նա նշում է, թե ինչպես հանձնաժողովը սովետական արդարամիտ գծի ճնշման տակ նահանջ է կատարել իր նախկին դիրքերից (իրային դրավներ, հատուկ երաշխիքներ և միջազգային ֆինանսական վերահսկողություն) և ներկայացրել նոր առաջարկներ, որոնք թեև դարձյալ «անընդունելի են մեզ համար», բայց վկայում են նրա զիջողականության միտումի մասին. «Հաշվի առնելով այդ, ես կարծում եմ, որ կարելի է հասնել հետագա զիջումների»²⁶: Ս. Փիրումյանը խնդրում է տեղում քննարկել այդ հարցը և արդյունքի մասին իրազեկ պահել իրեն, տալով որոշակի հրահանգներ: Նա հատկապես ընդգծում է Նանսենի դերը, այն, որ նա «անպայմանորեն ու անվերապա լավ է տրամադրված մեր նկատմամբ» և որ «մենք հնարավորին չափ պետք է աջակցենք Նանսենին, հանձնաժողովում թեթևացնենք նրա աշխատանքը»²⁷:

Ցուցաբերելով միանգամայն բարյացակամ վերաբերմունք, սովետական կառավարությունն ընդառաջում է հանձնաժողովի որոշմանն ու Նանսենի խոն-

23 Նույն տեղում, թ. 46:

24 Նույն տեղում, թ. 44:

25 Նույն տեղում, գ. 264, թ. 162:

26 Նույն տեղում, գ. 296, թ. 56:

27 Նույն տեղում, թ. 55:

դիրքին: 1925 թ. նոյեմբերի վերջերին Երևան են ժամանում հանձնաժողովի Երկու ներկայացուցիչները, որոնք մի քանի ամիս մնում են Հայաստանում, բանակցություններ են վարում կառավարության հետ և ստանում «տվյալներ Հայաստանի արդյունաբերության, ֆինանսների, ջրային տնտեսության, առողջապահության և արդարադատության մասին»²⁸: Նրանք հավաստիանում են, որ Սովետական Հայաստանի կառավարությունը պատրաստ է ընդունելու օրինական փոխառություն՝ առանց նրա սովերենության որևէ խախտման և որ Երկիրը լիովին ի վիճակի է մարելու այն: «Պրավդան» դեռ 1925 թ. դեկտեմբերի 11-ին հաղորդագրություն է տալով Հայաստանում տեղի ունեցած այդ բանակցությունների մասին, որ բերված է ՀՍՍՀ Ժողկոմխորհի նախագահի տեղակալ Ա. Երզնկյանի հետևյալ հայտարարությունը. «Այժմ Նանսներ արտասահմանում ետանդուն կամպանիա է մղում Սովետական Հայաստանին տրամադրելու 9 միլիոն ռուբլու փոխառություն, որը նախատեսված է արտասահմանում ցրված հայ զաղթականներին Հայաստան տեղափոխելու ու տեղավորելու համար... Ժնևում փոխառության հարցը քննարկվել է Ազգերի լիգայի հանձնաժողովի կողմից: Հայաստանի կառավարությունը... հայտնել է, որ Հայաստանը փոխառության մասին պայմանագիր կկնքի սովետական կառավարության անունից միայն այն պայմանով, եթե չնսեմացվի Հայաստանի Սովետական Սոցիալիստական Հանրապետության արժանապատվությունը»: Միաժամանակ Միութենական կառավարության անունից հանձնաժողովի ներկայացուցիչներին հայտնվում է, որ ենթադրվող փոխառության դիմաց կտրվի սովետական Պետբանկի Երաշխիքը. «Գաղթականների տեղավորման համար ՀՍՍՀ կառավարության կողմից միջազգային փոխառություն կնքելու դեպքում ՍՍՀՄ Պետական բանկը (Պետբանկը) իր վրա է վերցնում այդ փոխառության (տոկոսների ու մարման) լիակատար սպասարկումն ու Երաշխիքը»²⁹:

Այդպիսով, սովետական օրգաններն անում են ամեն ինչ, որպեսզի Նանսների միսիան հաջողությամբ պսակվի: 1926 թ. սկզբին «Պրավդայի» և Անդրերկրկասի մամուլի աշխատակիցների հետ ունեցած զրույցում Ս. Տեր-Գաբրիելյանը (ԱՍՖՍՀ-ի լիազոր-ներկայացուցիչը Մոսկվայում) նշել է, որ սովետական կառավարությունը մի կողմից՝ շարունակում է սեփական միջոցներով հայ զաղթականների հայրենադարձությունը, մեծացնում ռոտզման սիստեմի ընդլայնման համար կատարվող ծախսերը (այդ նպատակի համար ընթացիկ տարում միութենական կառավարությունը Հայաստանին բաց է թողնում 1600000 ռուբլի), իսկ մյուս կողմից՝ աջակցում Նանսների մարդասիրական զործի իրականացմանը: Ս. Տեր-Գաբրիելյանը շեշտում է, որ ակտիվորեն է զործում նաև ինքը՝ Նանսներ, որին «մենք, իհարկե, շնորհակալ ենք»³⁰: Նորից անդրադառնալով այդ հարցին, նա մի այլ առիթով ասել է. «Ես ոչ մի րոպե չեմ կասկածել, որ Սովետական Միության փորձված բարեկամ Ֆրիտյոֆ Նանսներ և նրա մերձավորագույն աշխատակիցները, որոնք եղել են Հայաստանում և մինչև այժմ գտնվում են այնտեղ, իրենց կողմից բոլոր ջանքերը

²⁸ Նույն տեղում, գ. 604, թ. 4:

²⁹ Նույն տեղում, գ. 258, թ. 265:

³⁰ «Правда», 22. I. 1926.

կթափեն հօգուտ արտասահմանում գտնվող հայ աշխատավոր գաղթականական մասսաների շահերի»³¹։

Ստացված զեկուցադրի հիման վրա Ազգերի լիգայի հատուկ հանձնաժողովը կատարում է նոր քննարկումներ։ 1926 թ. մարտի 19-ին Փարիզում տեղի է ունենում այդ հանձնաժողովի նիստը, որին մասնակցում էին Ժ. Պամսը (նախագահ), Ֆ. Նանսենը, Մ. Մակդոնալդը, մեկական ներկայացուցիչներ Խալիլայից ու Գերմանիայից, Ազգերի լիգայի մի քանի տեխնիկական աշխատակիցներ, հանձնաժողովի՝ Հայաստանից վերադարձած ներկայացուցիչը։ Նիստին հրավիրված էր և մասնակցեց նաև Ս. Փիրումյանը։

Նախագահող Պամսը հանդես եկավ հաղորդումով և նշեց, որ ստացվել է հանձնաժողովի կողմից Հայաստան ուղարկված էքսպերտների զեկուցագիրը։ Այն «լիովին հաստատում է նանսենյան նախագծերի իրագործման տեխնիկական հնարավորությունը», նախադժեր, որոնց համաձայն կարելի է ոռոգել 37450 դեկյատին լավագույն հողեր։ Դրանց յուրացման բոլոր աշխատանքների, ինչպես նաև այնտեղ հայ գաղթականներ փոխադրելու, առաջին շրջանում նրանց նյութապես ապահովելու համար պահանջվում է «ընդամենը 15 միլիոն ուրլի, այսինքն՝ 5 միլիոնով ավելի նախնական ենթագործիք»³²։ Այդ գումարը պետք է ձեռք բերվի փոխառությամբ, որը կարող էր տալ Ազգերի լիգայի մեջ մտնող որևէ տերություն։ Սակայն, ինչպես նկատում է Պամսը, դա չի ստացվում, քանի որ Անգլիան հրաժարվեց և նրան հետևեցին Ֆրանսիան ու մյուս պետությունները. «Այժմ, — ասաց Պամսը, — Հանձնաժողովը հնարավոր է գտնում այդ փոխառության երաշխավորություն ստանալ Ազգերի լիգայից՝ առանց արևմտյան տերությունների երաշխիքի ու այնպիսի պայմաններով, որոնք բոլորովին չեն խախտում Սովետական Հայկական Հանրապետության սուվերենիտետը»³³։ Ս. Փիրումյանն այդ հաղորդագրությունն ընդունեց գոհունակությամբ և խնդրեց Պամսին հայտարարությունը իրեն հանձնել զրափոր ձևով, որը և կատարվեց։

Ս. Փիրումյանը 1926 թ. մարտի 29-ին զեկուցագիր ուղարկեց Հայաստանի ժողովուրդին և այն եզրափակեց հետևյալ խոսքերով. «Հանձնաժողովի վերջին առաջարկությունը քայլ է դեպ առաջ՝ մինչ այդ մեզ արած առաջարկությունների համեմատությամբ, քանի որ լիովին հանված է իրային գրավների և հանրապետության սուվերենության հետ անհամատեղելի երաշխիքների հարցը։ Ինչքանով ևս տպավորություն ստացա առանձին գրույցներից, հանձնաժողովը կրավարարվի Պետրանկի առևտրական երաշխիքներով և փոխառության ընդհանուր ապրոքացիայով միութենական կառավարության կողմից»³⁴։

Իրականում այդպես չստացվեց։ Արևմտյան տերությունների անմիջական թելադրանքով Ազգերի լիգայի՝ հայ գաղթականների տեղավորման հանձնաժողովը, Պամսի նախագահությամբ, փոխառություն տալու համար նոր պահանջներ է ներկայացնում։ Մասնավորապես, նա դեռ 1926 թ. մարտի 26-ին

³¹ «Правда», 19. II. 1926.

³² Հայկ. ՍՍՀ ՀՀՍՇ ԳԿԱ, ֆ. 113, ց. 3, դ. 296, թ. 45.

³³ Նույն տեղում, թ. 46.

³⁴ Նույն տեղում։

հուշագիր է ուղարկում Ֆրանսիայում Սովետական Միության դեսպանությանը և նշում, որ նանսենյան ծրագիրը, թեև տեխնիկայես հիմնավորված է ու իրագործելի, բայց նրա «գործադրության ելեմտական պայմաններուն մասին հանձնաժողովս դժբախտաբար ի վիճակի չէ դրական հանձնարարություններ ներկայացնելու: Խորհրդային Պետական դրամատան երաշխավորությունը միայն բավարար չերևի հարկավոր փոխառությունը ձեռք բերելու համար: Արդարև, ի նկատի եղած փոխառությունը տալու տրամադիր դրամատերերը պիտի ուզեին ստանալ ապահովություններ, որոնք երաշխավորեն տոկոսներու տարեվճարը և դրամազխին հատուցումը տարվե տարին: Եթե այս երաշխավորությունը չապահովվի կառավարություններու կողմեն այն երկրներուն, որոնք կշահագրգռվին Հայկական խնդրով, Հայաստան ինքը կամ Խորհրդային Միությունը պետք է տան այդ ապահովությունները»³⁵:

Այդպիսով, հանձնաժողովը չի բավարարվում սովետական Պետական բանկի պաշտոնական երաշխավորությամբ և պահանջում է լրացուցիչ պարտավորություններ: Դրան Փարիզում սովետական դեսպանությունից ապրիլի 26-ին պատասխանում են, որ ՍՍՀՄ կառավարությունը համաձայն է նանսենյան ծրագրին և «իր հավանությունը կտա այս նպատակով հրապարակ հանվելիք փոխառության մը և կերաշխավորեն անոր գլխավճարին և տարեկան տոկոսներուն վճարումը Խորհրդային Հանրապետություններու Միության կառավարության Պետական դրամատան կողմե: Փոխառության մանրամասնությունները, անոր գլխավճարին և տոկոսներուն վճարումը և այլ պայմանները շահակից կողմերու համաձայնությամբ պիտի որոշվին»³⁶:

Չնայած այսպիսի հստակ ու պաշտոնական բավարար պատասխանին, Պամսը շարունակում է պնդել իր առաջարկը և այդ մասին ապրիլի 27-ին իրազեկ է պահում սովետական դեսպանությանը, հատկապես շեշտելով այն մոմենտը, որ իրենք ցանկանում են զիտենալ, «թե տոկոսներու և դրամագլխին տարեվճարը երաշխավորել հանձն առնող հաստատությունը փոխատու երկրներու մեջ ի՞նչ ունի համապատասխան իր հանձնառություններուն»: Դա նշանակում էր ոչ միայն շահատալ սովետական պաշտոնական հավաստիացումներին, այլև փորձել միջամտել նրա ներքին գործերին: Փարիզում սովետական դեսպանը հարկադրված է լինում մայիսի 11-ին կրկնել իր պատասխանը՝ ավելացնելով. «Սույն տարեվճարներու համար (տոկոսի և գլխավճարի) հարկ եղած գումարները պիտի արձանագրվին Խորհ. Հայաստանի հանրապետական բյուջեի մեջ և այսպես պիտի գտնվին նաև Խորհր. Միության պետական բյուջեի մեջ»:

Թվում է, ամեն ինչ պարզ էր ու զոհացուցիչ: Բայց ոչ, այդպես չէին մրտաժուլ արևմտյան իմպերիալիստներն ու նրանց գործակատարները: Պամսի հանձնաժողովին պատրվակ էր պետք՝ ձախողելու փոխառությունը և այդ պատրվակը հնարեցին, հայտարարելով, որ սովետական կառավարության առաջարկած երաշխիքները բավարար չեն: Իրանից հետո հանձնաժողովը իր ֆունկցիան սպառված համարեց:

35 «Ապագա», 19. 6. 1926:

36 «Ապագա», 26. 6. 1926:

Հասկանալի է, որ այդ խաղի ետևում թաքնված էին իմպերիալիստների քաղաքական նկատառումներն ու տնտեսական շահերը: Նրանք լցված էին հակասովետական թույնով և չէին ուզում փոխառություն տրամադրել, այն էլ բարենպաստ պայմաններով: Պատահական չէ, որ այդ ժամանակ նրանք հայտարարեցին, որ իրենք 12 տոկոսից ցածր փոխառություն չեն տրամադրի: Այդպես էր սովետական երկրի վերաբերմամբ, մինչդեռ կապիտալիստական պետությունները համաձայնության էին գալիս ավելի ցածր (նույնիսկ 1—2) տոկոսներով: ՍՍՀՄ Կենտրոնականի անդամ Ս. Տեր-Գաբրիելյանը 1926 թ. մայիսի 31-ին Մոսկվայում, ընդունելով հայ հասարակական գործիչ Ա. Սաֆրաստյանին, ասաց, որ այդ «վաշխառության սակը» ունի քաղաքական աստուղ և որ «միջազգային փոխառության մեջ ցարդ շտեմնված այդքան բարձր տոկոսի մը պահանջը լուրջ պատրվակ մըն է գործը վիժեցնելու»³⁷:

Հայ գաղթականության տեղավորման հարցը շուտով նորից է բնարկվում Ազգերի լիգայի խորհրդում: Այնտեղ ընդունված բանաձևով «խորհրդը հավանություն է տալիս նանսենյան նախագծին և այն հանձնում ֆինանսական կոմիտեին»³⁸: Ազգերի լիգայի ֆինանսական կոմիտեն կարծես թե «բազմակողմանիորեն ուսումնասիրում է» հարցը և նույնիսկ «ընդունում նախագծի իրագործման կարևորությունը», նրա տեխնիկական հիմնավորվածությունը, բայց «ափսոսում է», որ ֆինանսական տեսակետից «ներկա պայմաններում նախագիծը չի կարող իրականացվել»: Ֆինանսական կոմիտեի բանաձևը բավականին ընդարձակ է, որտեղ ոչ միայն իր, այլև Ազգերի լիգայի խորհրդի անունից շեշտվում է, որ նրանք իրենց վրա «չեն վերցնում ոչ մի օրինական կամ բարոյական պատասխանատվություն փոխառության ապահովման համար, հաշվի առնելով փաղափակյալ պայմանները (ընդգծումը մերն է — Մ. Ա.), որոնցից որոշակիորեն պետք է կախված լինի նաև այդ ապահովման արժեքը»³⁹: Ահա թե որն է «գաղտնիքը» — փաղափակյալ պայմանները, որոնցից ելնելով ո՛չ արևմտյան տերությունները և ո՛չ էլ նրանց կամակատար Ազգերի լիգան չեն ուզում երաշխավորել Սովետական Հայաստանին (միևնույն է թե Սովետական Միությանը) փոխառություն տալու համար: Պատահական չէ, որ դաշնակցության շեֆ Ալ. Խատիսյանը գերագույն հրճվանքով է արձանագրել Ազգերի լիգայի ֆինանսական հանձնաժողովի նախագահի զրույցն իր հետ, երբ նա ուղղակի ասել է. «Նթե Հայաստանի մեջ իշխանության գլուխ կեցած ըլլաւ ոչ խոհեղային իշխանությունը, պահանջված գումարը կհայքայթվեր մեկ օրվա մեջ...»⁴⁰: Նշենք, որ արևմտյան իմպերիալիզմի թեքերի տակ ծվարած դաշնակցությունն իր հերթին ամեն կերպ խոչընդոտում էր նանսենյան պլանի իրականացմանը:

Տեսնելով, որ Ազգերի լիգան լքում ու փաստորեն վիժեցնում է հայ գաղթականությունը Հայաստանում տեղավորելու գործը, մինչդեռ Սովետական Հայաստանի կառավարությունը պատրաստակամություն է հայտնում իր միջոցներով յուրացնելու նախատեսված հողերը, նանսենը շատ ջանքեր գործա-

³⁷ «Ապագա», 12. 6. 1926:

³⁸ Հայկ. ՍՍՀ ՀՀՍՇ ՊԿԱ, ֆ. 113, ց. 3, գ. 296, թ. 118:

³⁹ Նույն տեղում, գ. 456, թ. 49:

⁴⁰ Ալ. Խատիսյան, Հայաստանի հանրապետության ծագումն ու զարգացումը, Բեյրութ, 1958, էջ 415:

դրեց՝ զանազան աղբյուրներից հավաքելու գոնե 3 միլիոն ռուբլի, որպեսզի որևէ չափով նպաստած լինի իր նպատակի իրականացմանը: Մասնավորապես նրա ղխավորությամբ 1926 թ. ստեղծվում է Միացյալ հայկական կոմիտե, որի մեջ մտան հայ ժողովրդի բարեկամներ տարբեր երկրներից (Ամերիկա, Անգլիա, Ֆրանսիա, Բելգիա և այլն), ինչպես նաև Կարմիր խաչի ու այլ կազմակերպություններից⁴¹: Այդ ձևանպարհով, այսինքն՝ բացառապես հասարակական մարդասիրական օգնությամբ հաջողվում է հայթայթել որոշ միջոցներ հայ դաղթականներին օգնելու համար:

Միաժամանակ նախսներ 1927 թ. Ազգերի լիգայից պահանջում է վերջ տալ ստեղծված քաշրշուկին, հայ դաղթականության հարցի շուրջը սարքած նենգամիտ խաղին. քանի որ արևմտյան տերությունները չեն ուզում կատարել իրենց խոստումները և ոչ մի աջակցություն ցույց չեն տալիս հայ դաղթականներին, Ազգերի լիգան բարոյական իրավունք չունի զբաղվելու այդ հարցով, իսկ ինքն էլ հրաժարվում է ղխավոր կոմիտեի պաշտոնից, գտնելով, որ այլ ձևով կօգնի հայ ժողովրդին: Նախսների այդ համարձակ քայլը շփոթություն է առաջ բերում Ազգերի լիգայի ղեկավար շրջաններում և, մերկացումից խուսափելու համար, նրանք զերադասում են «նահանջել» ու նորից խոստանալ, որ մի բան կանեն, միայն թե նա հրաժարվի իր պարտականություններից: Պրոֆեսոր Յակ. Ս. Վորմ-Մյուլլերը (Նորվեգիայի ներկայացուցիչը Ազգերի լիգայում), այդ ժամանակ հանդիպելով նախսներին, իր օրագրում նշել է. «Տանջված, ալեհեր, կնճոռտած դեմքով, այնպես անվերջ հոգնած, վշտահար հայացքով, բայց և այնպես ուղիղ ու բարեկազմ, առաջվա նման վճռական ու եռանդուն, քանզի նա գիտի, որ կանգնած է ձիշտ ձանապարհի վրա և բարին կհաղթի դաժանությանը»⁴²: Նախսներ խիստ վրդովված էր Ազգերի լիգայում տոն տվողների խարդավանքներից: Նա ունեցավ հոգեկան ծանր ապրումներ և նույնիսկ կարծես մի պահ փորձեց թողնել իր սկսած արդար, հումանիստական գործը, բայց չկարողացավ և չէր կարող: Չէ որ այն բխում էր նրա բուն էությունից, որից հրաժարվել չէր կարող: Հայ դաղթականների հայրենադարձությունը դարձել էր նրա սևիական գործը, և «նա չկարողացավ հրաժարվել իր աշխատանքից»⁴³:

1927 թ. հունիսի 16-ին տեղի ունեցավ Ազգերի լիգայի խորհրդի նիստը, որը նախսներ ցույց տվեց, թե ինչպես «խաղափական պատճառներով» ձախողվեց Հայաստանին տրամադրվելիք փոխառության գործը: Ապարդյուն անցան նաև «ձեռնարկները Ամերիկայի Միացյալ Նահանգների մեջ և այլուր մասնավոր աղբյուրները գրամ գտնելու համար»: Նախսներ նշեց, որ իրեն հայտնի է, թե ինչպես Սովետական Հայաստանի կառավարությունը, առանց դրսի օգնության, ձեռնամուխ է եղել նախատեսված հոգերի յուրացմանը և պատրաստ է նոր դաղթականներ բնդունելու: Վերջիններիս տեղավորելու համար պահանջվում է 300000 անգլիական ֆունտ: Նախսներ հավաստիացնում է, որ այդ գումարի մեկ երրորդը կհոգան դաղթականները, բայց անհրաժեշտ է, որ

⁴¹ Slevin Linn Hansen-Heier, նշվ. աշխ., էջ 411:

⁴² Նույն տեղում, էջ 412:

⁴³ Fridtjof Nansen, Explorer-Scientist-Humanitarian, Oslo, 1961, էջ 84:

գոնե մնացածը (երկու երրորդը) տան մեծ պետությունները կամ Ազգերի լիգան: Գեպքերի ականատեսս է. Բաշալյանն այդ առթիվ գրել է. «Դր. Նանսենն այդ կոչը ուղղեց շատ հուզիչ կերպով: Հիշեցուց հայկական ողբերգությունը, դաշնակիցներուն տված հանդիսավոր խոստումները և եզրակացուց՝ ասելով, որ Ազգերու ընկերության արժանապատիվությունը կպահանջե, որ գոնե այս եղանակով օգնություն ընձեռե հայ գաղթականներուն: Շատ ազդու վերջաբանով մը դր. Նանսենն բռնավ, թե այս հուսահատական կոչը ուղղելուն նպատակն այն է, որ կուղև փարատել Ազգերու ընկերության ցույց տված անդործության դեշ տպավորությունը»⁴⁴:

Նանսենը 1927 թ. սեպտեմբերի 26-ին նորից է հուզիչ ձևով ասում Ազգերի լիգայում, դիմում նրա 54 անդամ-պետություններին՝ գոնե նվազագույն օգնություն ցույց տալու հայ գաղթականներին: Սակայն մեծ տերությունները դարձյալ մերժում են: Այդ առթիվ կիվ Նանսեն-Հոյերը գրել է. «Գերմանական կառավարությունը, իր վրա չվերցնելով և ոչ մի պարտականություն, առաջարկեց 50 հազար ֆունտ գումար, Հունաստանի, Լյուքսեմբուրգի ու Նորվեգիայի կառավարությունները նույնպես խոստացան ոչ մեծ օգնություն: Բայց մեծ տերությունները առաջվա նման դեմ էին այդ առաջարկին և, այդպիսով, ամբողջ մտահոգումը փլվեց: Այդ դեպքում ինչի՞ համար էին բոլոր հանձնաժողովները, վրդովված ասում էր Նանսենը: Բ՛նչ հարկ կար ստեղծել դրանք, եթե կառավարությունները բոլորովին էլ մտադիր չէին բան անելու և եթե նույնիսկ ամենափոքր պահանջները շատ մեծ էին թվում նրանց համար»⁴⁵:

Ինչպիսին արևմտյան իմպերիալիստական տերություններն էին, այնպիսին էլ նրանց կամակատար Ազգերի լիգան էր: Վերջինիս նկատմամբ Նանսենը, ելնելով իր մարդասիրական ու խաղաղասիրական նպատակներից, ըսկըզբից տածում էր համակրանք ու բարի հույսեր, բայց այժմ, հատկապես հայ գաղթականության հարցի դառն պատմությունից հետո նա համոզվեց, որ փաստորեն դրանք պատրանքներ են: Պատահական չէ, որ Նանսենը հայ ժողովրդին նվիրած իր գիրքն ավարտում է այսպիսի խոսքերով. «Վա՛յ հայ ժողովրդին, որ նրան ներքաշեցին եվրոպական քաղաքականության մեջ: Նրա համար ավելի լավ կլինեք, եթե նրա անունը երբեք ոչ մի եվրոպական դիվանագետի շուրթերին չլիներ: Սակայն հայ ժողովուրդը երբեք չհուսահատվեց...»⁴⁶:

Նանսենի համար հայ գաղթականության հարցը դարձավ մի վճռական փորձաքար՝ ստուգելու Ազգերի լիգայի ու արևմտյան տերությունների «մարդասիրությունը»: Նա համոզվեց, որ այդպիսին նրանք չունեն և առկա է կատարյալ խզում նրանց խոսքի ու գործի միջև: Խորտակվեց նրա հավատն Ազգերի լիգայի նկատմամբ, մեծացավ ատելությունը արևմտյան տերությունների նենգամիտ պլանների դեմ: Բայց Նանսենը չկտրեց իր հույսը՝ օգնություն կազմակերպելու հայ գաղթականներին: Նա զգում էր, որ եթե իր միսիային չեն աջակցում իմպերիալիստական կառավարությունները, ապա իրեն կհասկանան ու կօգնեն ժողովուրդները: Այդպես էր նաև Պոլոլոյի քաղցած-

⁴⁴ Հայկ. ՍՍՀ 22ՍԾ ՊԿԱ, ֆ. 113, ց. 3, գ. 530, թ. 38:

⁴⁵ Л и в Н ансен-Хейер, ԵԶԿ. աշխ., էջ 410:

⁴⁶ Fridtjof Nansen, Betrogenes Volk, Leipzig, 1928, էջ 334:

ներին օգնելու ժամանակ, երբ նանսենը իմպերիալիստական կառավարությունների ղեխի վրայով դիմեց արևմտյան երկրների ժողովուրդներին և հասավ որոշակի դրական արդյունքների: Դրանով իսկ նանսենը օբյեկտիվորեն յուրահատուկ մարտահրավեր էր նետում իմպերիալիստական կառավարողներին:

Հուսախաբ լինելով Ազգերի լիգայից ու մեծ տերություններից, նանսենը 1927—1929 թթ. տարբեր երկրներում անց է կացնում մասնավոր հանդանակություններ՝ հօգուտ հայ զաղթականների, հանդես է գալիս բազմաթիվ դասախոսություններով Եվրոպայի ու Ամերիկայի քաղաքներում և հավաքված զուգարով կազմակերպում 7 հազար հոգու հայրենադարձություն. «Վաթսունվեց տարեկան մարդը երկար ձանձաղարհորդություն է կատարում ամերիկյան քաղաքներով, որպեսզի իր դասախոսություններով միջոցներ հայթայթի օթևանից և սննդից զուրկ զաղթականների համար»⁴⁷: 1929 թ. սեպտեմբերին նանսենը Ազգերի լիգայի ասամբլեային առաջարկեց՝ վերջ տալ հայ զաղթականներին Սովետական Հայաստանում տեղավորելու հարցի ապարդյուն քննարկմանը: Դրանով իսկ նա ֆորմալ կերպով ու փաստորեն խզեց իր կապը Ազգերի լիգայի հետ՝ հայկական հարցում: Սակայն դրա լուծմամբ նա համակված էր մինչև իր կյանքի վերջը:

Հիրավի, նանսենի զործունեության համար «ամենաճանաչված» դարձավ այն, որ շնայած զործադրված ջանքերին, չիրականացան նրա իղձերը հայ զաղթականներին Սովետական Հայաստան տեղափոխելու իր պլանների վերաբերյալ: Ֆրանսիական զործիչ Ռ. Ռիստելուեբերը գրել է. «Այս աշխարհից հեռանալիս նանսենի ամենամեծ վիշտն այն էր, որ առաջին անգամ նրան չհաջողվեց հասնել իր առջև դրված նպատակին»⁴⁸: Դրա հանցավորներն իմպերիալիստական տերություններն էին, արևմտյան կառավարողները, որոնք, ինչպես ամենուրեք, այնպես էլ Ազգերի լիգայում, բոլոր խնդիրների լուծման շավանիչ էին դարձնում միայն իրենց մերկ շահը: Գերմանական հայտնի գրող էմիլ Լյուդվիգը, մասնավորապես անդրադառնալով հայ զաղթականների տեղավորման խնդրի քննարկման ելեջներին, նշել է, որ նանսենը, որպես «ժողովուրդների բարեկամ, շատ խորթ էր Ազգերի լիգայի ոգուն»⁴⁹: Նույն հարցի առթիվ ժամանակակից գրող Վ. Ջոնստագը, արտահայտվելով ավելի պարզ, ուղղակի դրում է, թե՛ բուրժուական պետությունները չուզեցին «ոչ մի փոխադրություն տրամադրել» Հայաստանին, որովհետև դա «սովետական հանրապետությանն է»: Մերկացնելով այդ պետությունների դիվանագիտական պրիմները, նա բնորոշում է. «Մի՞թե նույնքան զայրացուցիչ չէ «կուլտուրական տերությունների» սպանիչ պասսիվությունը, որքան թուրքերի կատարած արյունախում նոզկալիությունը»⁵⁰:

Չնայած անասելի դժվարություններին, նանսենն անձամբ խիզախեց և կատարեց առավելագույնը, ինչ ի վիճակի էր հայ զաղթականներին օգնելու համար:

⁴⁷ A. Talianov, Hansen, M., 1960, էջ 288:

⁴⁸ Rene Ristelhueber, La double aventure de Fridtjof Nansen (Explorateur et philanthrope), Montreal, 1944, էջ 250:

⁴⁹ Emil Ludwig, Führer Europas, Amsterdam, 1934, էջ 41—42:

⁵⁰ Wolfgang Sonntag, Fridtjof Nansen, Weimar, 1957, էջ 17:

НАНСЕН И ВОПРОС АРМЯНСКИХ БЕЖЕНЦЕВ В 1925—1929 ГОДАХ

Доктор историч. наук М. В. АРЗУМАНЯН

(Резюме)

Фритъоф Нансен — выдающийся полярный исследователь и ученый, общественный деятель и гуманист. Его многогранная деятельность описала ему всемирное признание и заслуженную славу.

Великий норвежец был истинным другом Советской России. Он с глубокой симпатией относился также к армянскому народу. Особенно велики его заслуги в деле защиты армянских беженцев, их репатриации в Советскую Армению. Нансен разоблачал козни и коварные планы западных держав, лишь спекулировавших на Армянском вопросе, и одновременно развернул большую работу для облегчения положения армянских беженцев за рубежом.